

僧伽斯那所撰菩薩本緣經卷第三

衆三

吳月支優婆塞文謙譯

月光王品第五

菩薩摩訶薩行無上道時爲諸衆生故乃至捨頭目

我昔曾聞是迦尸國過去有王名曰月光修菩提道爲求法利常訶諸欲其王形體端嚴  
姝好才智過人天下少雙質直不諂所言柔軟至誠無欺遠離瞋恚同止歡樂恭敬沙門諸婆羅門慈仁孝順供養父母隣國諸王承

服德故而重伏之遙揖爲友名德流布徧於諸方常能利益無量衆生擁護國土所有人民猶如慈母愛其赤子又於後時竊生此念我當云何令諸衆生心歡喜耶即命大臣而作是言卿等今可莊嚴此城懸諸華蓋堅寶幢旛掃灑燒香以華散地無令人而有憂苦悉以寶瓔珞瓔珞其身衣服被飾極令鮮明諸臣跪諾敬奉王命即出宣告舉城人民卿等各各莊嚴城郭所有里巷極使清淨令

衆三  
如三十三天宮殿時月光王乘一大象出於

宮殿即命一臣卿持我聲告諸人民我今莊嚴如此城郭非爲貪欲貢高橋慢畏怖他怨以禦寇敵亦不求作轉輪聖王我今所以莊嚴此城唯欲令諸一切衆生受無量樂不墮地獄畜生餓鬼卿等今日宜應於我起父母兄想善知識想若入我宮當如已舍所須之物隨意自取我今大施莫自疑難取物之後當行善法供身之餘復當轉施諸人若須我身命亦不愛也唯願一切皆受安樂時月光王說是言已宮中所有微妙寶物使人負出

隨意布施視諸人民猶如父母兄弟赤子顏色和悅猶如秋月一切人民瞻戴是王如父如母如兄如弟善心視王目如初蓮當于爾時國中人民無有持刀杖者悉皆隨王奉行十善猶如牛王諸牛隨從亦如衆星隨從於月譬如衆商隨商主後亦如衆兵隨逐主將譬如蒲萄其子甘故生果亦甘如栴檀樹根華俱香是月光王令諸人民等行十善亦復如是當是時也其國乃至無有一人瞋嫉橋慢貢高剛強盜人財物奸犯他妻兩舌惡口

貪恚邪見是月光王雖非聖帝而其人民悉行十善是時人民雖無草衣果蔬之食而其體貌與仙無異皆貪深山空閑之處以愛王故不能捨離時王如是行善法已有諸沙門婆羅門等稱傳其德徧滿諸方爾時有一老婆羅門捨家愛欲居在雪山長髮鬚眉爲梵行相結草障身水果禦飢聞有人言月光王者好施無慳聞是語已因往本習即生惡念猶如猛火投之膏油膏油既至倍復熾然亦如毒藥投生血中其力則盛譬如渴人飲於

鹹水如秋增熱春多湊唾是婆羅門住深山中聞王功德增益瞋恚亦復如是猶師子瞋聞獐鹿聲是婆羅門增長瞋恚亦復如是復作是念一切世間皆悉愚癡無有智慧而爲是王之所誣惑我今當往求索一物審如是王能捨離不復作是念但不有人從乞身命若有索者必當退轉作是念已即出深山棄捨淨法瞋恚增長口如赤銅銜脣切齒暉曜聚三角張譬如惡龍放雹殺穀如金剛杵摧破大山如阿脩羅王遮捉日月猶如暴雨漂沒村

落猛盛大火焚燒乾草是婆羅門亦復如是持是惡心往迦尸城月光王所示現如是本習惡相身體戰動口言謇吃行不直路手拳繚戾眉髮迅麗頭鬚刺豎覆手五指如五龍頭心中毒盛猶如惡蛇瞋氣怫鬱煙燄俱起詳言大王我在雪山遙聞王名歡喜踊躍無量我觀諸王無如汝比而此土地功德難量復得值遇如是法王大王今日爲利益他應當自捨所有身命修正法者卧寢常安我今欲請大王一事王即答言大婆羅門不須多

語請列所作隨其所須悉當奉施若象馬車牛金銀瑠璃衣服珍寶奴婢使人悉當給與婆羅門汝今當知是諸衆生三毒所惱流轉生死無有脫期老病死法常害衆生唯我一人能獨出離但爲衆生故久住世耳隨汝所愛悉當與之婆羅門言王若能爾先當定心莫令傾動王即答言我從昔來常立誓願心難得動我爲衆生發菩提心尚捨身命況餘外物汝今當知家有錢財不能施者當知是人則爲守奴猶如毒樹雖生華實無人受用

井深繩短水無由得有財不施亦復如是若見乞者面目黧黑當知是人閑餓鬼門婆羅門言善哉大王構之虛言復何所益若能爾者以頭見施時諸大臣聞是語已語婆羅門言怪哉大賊從何處來以此人口宣無義言卷三  
即以土石競共打坌復共唱言如此人者非婆羅門何處當有衣草鹿皮長髮節食宣說如是棘刺之言身體被服猶如仙聖口所發言劇旃陀羅身行口言不相副稱當知必定非婆羅門乃是羅刹弊惡鬼神咄哉惡人汝

今來此欲乾我等正法河耶如金翅鳥欲食法龍斷法雨乎汝如惡風吹滅法炬是大惡象欲拔法樹成死惡人無有道理口發言時舌何不縮如何大地能載汝形日光赫然不焦汝身云何彼河不漂汝去時婆羅門語諸大臣汝等癡人何故見訶譬如惡狗吠彼乞者汝今疑我非婆羅門從遠求耶非是博學出家人乎汝等愚惡亦不能知諳婆羅門所有威力汝不知耶日月虧盈大海鹹苦閻羂神仙吞飲恒河十二年中斷絕不流自在天

王面上三目瞿曇仙人於釋身上化千女根  
婆私吒仙變帝釋身爲羯羊形毗仇大仙食  
須彌山如食乳糜如此之事盡是我等婆羅  
門力我今來此亦不爲卿空言綺飾誰當不  
能君王自言能一切施我今從乞有何可責  
賢三五  
時月光王即語諸臣卿等今者不應見遮我  
今當令此婆羅門所願滿足汝當觀察我今  
治國無有貪姦瞋恚愚癡所得果報今已成  
就捨身時到如蛇脫皮汝等當知我今以此  
不堅之身易彼堅身不堅之財貿易堅財不

堅之命貿易堅命如我先時常爲汝說大人  
之法今正是時亦常勸汝向於正法閉塞諸  
惡開諸善門於菩提中種諸善根薄諸煩惱  
漸解家繫如我所得如是功德汝亦當得是  
故我今放捨身命汝當歡喜不應憂苦若我  
貪身不能爲者猶當苦言慰喻今作況我今  
日能自開割而汝反更遮固不聽譬如今人  
以草易毳服毒愈病我亦如是捨不堅牢身  
得堅牢身時諸大臣復作是言王今不應計  
如是事得堅牢身時諸大臣復作是言王今

不應計是事也所以者何大王乃是臣等所依王今此身一切共有共有之法何得獨爲一婆羅門而欲放捨捨此身已財施之事云何能辨若不能辨受苦者衆王身雖一天下共之云何今日獨欲自在譬如多人共一妙寶有人獨用豈得自在王身今者亦復如是爾時大王和顏悅色向諸大臣復作是言汝等先當起慈愍心觀婆羅門然後我當捨頭施之爾時大王告婆羅門汝小遠去聽我慰喻諸臣民已當相發遣時婆羅門即便小却

爾時大王告諸臣言汝不知我本日所願常欲利益諸衆生耶我已爲汝所作成辦復當滿此婆羅門願此婆羅門曾於往昔與我有怨餘報未畢嘗以繫心更無餘緣可以償之要當捨頭而令求畢自我受身常行正法今爲此人亦行正法卿等速去喚婆羅門令還本處作如是言汝無巧智不知時宜於大衆中求索我頭何故不於僻靜之處而求索耶我今爲汝諫喻諸臣令汝安隱得金性命設不諫者汝之身命何得全濟汝小遠去至彼

靜處須我發遣諸大臣已我當就汝斷頭相  
施時婆羅門聞王語已即便遠去爾時大王  
遣諸臣已即便至彼婆羅門所言汝今若爲  
我怨所遣索我頭者我亦於汝無憚嫌心若  
自來索有何因緣汝婆羅門應起慈心設起  
慈心即當生天怨心如火汝當速滅瞋恚在  
心不見法義修忍之人除去瞋恚瞋恚汙心  
形不端正猶如雲霧障蔽淨月出家之人所  
不應生生瞋恚者不得端正猶如飲酒噫氣  
臭穢婆羅門言汝今所說唯爲妙善而我麤

擴何能信受但施我頭無更餘言我今聞汝  
所說雖善聞已倍更增益瞋恚猶如膏油投  
之猛火時王答言我從生來未曾勸人而爲  
惡事今此身者隨汝自斫是身可惡猶如糞  
坑實不受之但憐愍汝墮地獄耳婆羅門言

言地獄者爲在何處爾時大王即起悲心而  
作是言怪哉衆生咄哉世間乃無一人修行  
善法爲己利者我雖種種勸諫是人而其本  
心猶樂行惡譬如今有入拔出  
聚三

復如是時婆羅門持一利刀以鹿皮覆即便

出之捉王頭髮繫之樹上以瞋恚心欲斬王

頭刀誤不及斫斷樹枝時婆羅門謂已斫竟

即生歡喜以是菩薩及諸天神威德力故乃至不見其王身首爾時樹神語婆羅門言何

處當有婆羅門人受畜利刀殺害人命汝手云何不墮於地地何不裂陷汝身耶云何於此清淨人邊生是惡心汝身所以不陷地者賴是菩薩擁護汝故時婆羅門謂得真實斷菩薩頭怨心得解即便還去王亦還宮身安

無損菩薩摩訶薩行檀波羅蜜時能作如是

無所不捨

兔品第六

菩薩摩訶薩若墮於畜生所行諸善法外道不能及

如我曾聞菩薩往昔曾爲兔身以其先世餘業因緣雖受兔身善於人語言常至誠無有虛誑智慧成就遠離瞋恚於人天中最爲第一慈悲薰心調和軟善悉能消滅諸魔因緣言行相副真實無詭殺害之心永無復有安

住不動如須彌山與無量兔而爲上首常爲諸兔而說是言汝等不知墮惡道耶是身可愚夫惡道者地獄畜生餓鬼阿脩羅如是等名畜生餓鬼阿脩羅如是等名爲惡道汝等今當至心諦聽墮惡道因緣所謂十惡我於聚三往昔曾聞諸仙分別開示心亦思惟今當爲汝畧解說之四法根本多諸過患所謂貪欲瞋恚愚癡嬌慢因貪欲心行十惡者墮於餓鬼因瞋恚心行十惡者墮於畜生因愚癡心行十惡者墮於地獄因嬌慢心行十惡者墮

阿脩羅因此四法所往之處常受苦惱汝等當觀地獄中有猛火熾然利刀劍剥常爲狗犬之所噉食鐵嘴諸鳥挑啄其目夾河壞身猶如微塵復爲諸椎之所打碎利斧刀劍截其手足寒冷惡風吹劈其身二山相拍身處其中汝等當知設我盡壽至百千世解說如是地獄衆生不能得盡如是地獄有種種苦汝今復當聽餓鬼中種種諸苦所謂飢渴所逼身體乾枯於無量歲初不曾聞漿水之名乃至穢糞求不能得頭髮長利纏繞其身故

令身中支節火然遙望見水至則火坑飢渴  
所逼往趣糞穢復有惡鬼神持刀杖固遮今  
說此事倍令我心驚畏怖懼阿脩羅者雖受  
五欲與天無別憍慢自我無謙下心遠善知  
識不識不信三寶亦復不爲善友所護於世  
第三  
間中起顛倒想雖見諸佛心無敬信於上諸  
天常生惡心繫念伺求諸天過失汝等當知  
憍慢之結多諸過咎無所利益所以衆生不  
成道果無不由此憍慢熾盛自是非彼譏刺  
訶責世間衆生以憍慢故增長邪見邪見因

緣詬謗三寶謗三寶故受阿脩羅阿脩羅中  
所受衆苦若爲故欲盡說不可得盡以愚癡  
因緣墮畜生中多受衆苦受種種形食種種  
食種種語言行住不同無足二足四足多足  
水陸空行牛羊駝驢豬豚雞狗飛鳥走獸如  
是等輩常爲愚癡之所覆蔽常處盲冥無有  
智慧各各相於起殺害想互相怖畏猶如怨  
賊常爲獵師屠膾所殺復爲師子虎狼豺犬  
無量惡獸之所攫食常墮坑塹胥索羅網生  
則負重死則剝刺駕犁挽車鐵鉤鉤斬輪縛

拘執常苦飢渴口乾舌燥雖有所須口不得宣稚小孤逆遠離父母水草無量常不充足畜生惡報世間現見是故我今畧爲汝等而解說之如我先業惡因緣故受是兔身唯食水草恒多怖畏是故汝等應修善法善法因緣生人天中雖人道中有諸苦惱劇於諸天猶當發願願生人中譬如官法爲犯罪者造作土窖凡有三重重罪之人置在最下中罪之人置之中間罪極輕者置于上重行惡業者亦復如是極重惡者墮于地獄中品惡者

受畜生身最下品者生餓鬼中遠離如是三品惡已得生人中生人中已行善不善行上善者入於涅槃如已舍宅是時兔王常爲諸兔宣說如是善妙之言爾時有一婆羅門種姓世出家修學仙法不惱衆生離欲去愛和樂而言身無羸瘦飲水食果及諸根藥少欲知足修寂靜行長養髮不爲梵行相是時仙人忽於一時遙聞兔王爲兔說法聞以心悔而作是言我今雖得生於人中愚癡無智不如是兔王生畜生中曉了善法譬如日光障

蔽月光我亦如是雖生人中爲彼畜生之所  
障蔽彼雖畜身或是正法之將或是梵王大  
自在天我今聞彼所說之法心調柔和譬如  
人熱入清冷水怪哉師子多行惡業受是獸  
身云何復當殺如是兔如是兔者乃是純善  
形雖如是乃能修行仙聖之法雖生畜生而  
能宣說善惡之相我從本來無可諧稟尊敬  
之處今得遇之甚善無量是時仙人即起合  
掌往至兔所至兔所已却坐一面合掌向兔  
而作是言汝是正法之身將不受兔身所有

必定純善之法唯願爲我具足說之我所修  
學長養鬚髮草衣食果全實狀之譬如鑽水  
求酥是實難得我亦如是終身長髮草衣食  
果雖修苦行正法難得我今雖得生於人中  
受人形體遠善知識修行惡法如七葉華正  
可遠瞻不中親近我亦如是修行惡法有智  
之人視之遠去終不親近汝真梵王假受兔  
第十一  
身兔時答言大婆羅門若我所言悅可汝心  
甚不愛也所以者何我久已離慳惜之結往  
昔發心便當涅槃但爲衆生故久住生死時

婆羅門聞是語已心生歡喜汝是大士能爲衆生久處是中即便隨逐經歷多年飲水噉果與兔無別是時世人多行惡法以是因緣令天炎旱草木華果枯乾不出海池井泉諸水焦涸其地所有林木蓬蘽蕪草地土人民收拾去盡時婆羅門飢窮困苦和顏向兔而作是言我今欲去願不見責兔聞是已即生念言今此大仙不樂此處故欲相捨即前問言此處何過有何相犯大仙當觀身服如是芻草之衣令心愁惱非所宜也如婆羅門入

姪女舍甚非家法也婆羅門言汝之所說實入我心是處清淨實無過患諸兔自修亦不相犯但我薄祐因乏飲食是故俛仰欲相捨去汝今當觀一切衆生無不因食以活此身汝之所說善妙法要今雖遠離要當終身佩之心腑不令忘失汝復當知我心無慈爲穢食故而相捨離時兔答言汝所爲者蓋是小事云何乃欲相捨離去婆羅門言我空飲水已經多日恐命不全是故置宜欲相捨離免聞是已念言善哉是婆羅門乃能爲法飲水

多日即便說言汝若去者我則更無如是福  
田唯願仁者明受我請雖知苦薩於福田中  
心無分別然施極苦飢渴衆生其福最大雖  
知二目是常所護然當先救苦痛之處汝今  
是親善知識是我所尊有大功德是故我今  
欲施微供汝今當知人有四種施亦有四所  
謂下者下中下者智者智中智者云何下者  
別離虛誑不實猶如幻化合會有離猶如秋  
雨有爲之法如是等無量過患諸行如夢熟  
施時發心求於諸有下中下者畏怖故行於  
布施智者有恭敬心而行布施智中智者有  
大悲心而行布施我今於是四施之中趣行

一施唯願明日必受我請時婆羅門即作是  
念此兔今日爲何所見見死鹿耶或死兔乎  
心即歡喜然火誦呪是兔其夜多集乾薪告  
諸鬼言汝等當知是婆羅門今欲捨我遠去  
他家我甚愁悵惱身體戰慄世法如是無常

別離虛誑不實猶如幻化合會有離猶如秋  
雨有爲之法如是等無量過患諸行如夢熟  
時之談衆生命盡無可還者汝等今者知世  
法如是而不能離是故汝等要當精勤壞三  
有乎爾時兔王竟夜不眠爲諸鬼衆說法如

是夜既終已清旦地了於薪聚邊即便吹火  
火然之後語婆羅門言我昨請汝欲設微供  
今已具辦願必食之何以故智人集財欲以  
布施受者憐愍要必受用若有凡人多畜財  
寶以施於人此不爲難我今貧窮施乃爲難  
唯願哀矜必定受之我今深心清淨啓請唯  
願仁者必受不疑說是語已復自慰喻我今  
爲他受安樂故自捨己身無所貪惜大如毫  
釐如是福報願諸衆生證無上智自慰喻已  
投身火坑時婆羅門見是事已心驚毛豎即

於火上而挽出之無常之命即便斷滅諦觀  
心間抱置膝上對之嗚嗟並作是言愛法之  
士慈愍大仙調御船師爲利衆生捨身壽命  
今何所至我今敬禮爲歸依主我處此山長  
髮重擔雖經多年無所利益我願從今常相  
頂戴願汝功德具足成就令我來世常爲弟  
子說是語已還持免身置之於地頭面作禮  
復還抱捉猶如赤子即共死鬼俱投火坑爾  
時釋天知是事已大設供養收骨起塔菩薩  
摩訶薩修行如是尸波羅蜜不誑於世

僧伽斯那所撰菩薩本緣經卷第三

**窖** 古孝切。土藏也。**唼** 子合切。齧也。

音釋

霍呼郭切	曉明也	九筭切	吃居	乙	拂符弗
滯顰蹙	顰曉賓六切	蹙切	感子	空蒲問切	竭竭
也義此苟	切	蹙愁兔	空	塵削也	劇切甚
也擾居縛	切	匹美切	空	劇普擊	竭
也垢苦感	切	嘵即委切	旁	裂	擊
也持坎同	切	嘵與觜同	劈	宜	
也斷音卓	切	勞居	宜	切	
也𦗩與羈	切	𦗩居	宜	切	

永樂北藏

斯那所撰本緣經

第一三〇冊